

646 (28) 0-26

Chief : Kgoši

1 Leina la kgoši ke Mokgale. Maina a lekgotla
 1 Motlalekgomo 2 Maboane 3 Seatla 4 Matome 5 Matome
 6 Mphadi 7 Lephala 8 J. Patamedi 9 Semetše 10 Kgašane
 11 Mmutle 12 Lefakgomo.

Gomme bao ka moka ke bakgomana. Dikgošana 1 Lefakgomo
 2 Pondo 3 Nkutleni. Leina la moloko wa Lefakgomo ke Hlame,
 Setsoge. Leina la moloko wa Pondo ke Malesa. Leina la
 moloko wa Nkutleni ke Baloi. Lefakgomo o bina Noko. Pondo
 o bina Tšhweni. Nkutleni o bina Tšhweni. Lefakgomo o agile
 kgaufsi le thaba ya Namakgale. Pondo o agile kgaufsi le
 2 noka ya Sekwe. Nkutleni o agile kgaufsi le noka ya Sekwe.
 Ka moka ba agile ka tlase ga pušo ya Mokgale, e lego yona
 kgoši ya mehleng yeno. Ka moka bao ba eme boemong bja
 bo-tatabo bao ba beilwego ke kgoši Makhušane tatago Mokgale
 ba laola tikologo yeo e leng kgaufsi le metse ya bona goba
 mebototo. Lefakgomo ke yo mong wa moloko wa kgoši. Gomme
 ena ke moloko wa go tswalwa. Pondo ke leloko la go tšielana.
 Ga e le Nkutleni ke wa moloko o šele go kgoši.

Gomme o filwe bokgomana goba kgošana ka moloko wo a
 bušago wona wa Mashagaan ke ge e le yena wa moloko wo go
 3 thoma go dula pele mo nageng ye. Kgoši e bitšwa ka gore ke
 Thobela ke batho ka moka. O boledišwa ka gore mogolwane.
 Leina-ina la gagwe ga le tlogelwe. Ge kgoši e le ntshe
 boitshwaro bja batho ke bja poifo. Gomme tumedišo ke ya go
 tia-tia diatla mme ba bitša ka lentšu la thobela-mogolwane.
 Ge kgoši e dula batho ba bitša ka la thobela. Ge kgoši e ema
 go sa le bjalo. Gomme ge kgoši e eja batho ba reta kgoši
 ka moka kamo yo mong le yo mong a ka kgonago ka gona. Gomme
 ba bangwe ba tla bitša ba re kgoši a ehwe ke kgale e eja e
 šutelele ba bang. Gape bangwe ba re pula! pula! kgoši ge e
 bitšwa ke motho o swanetše go ya go yona mme a loša goba go
 tia-tia diatla ke gona ya ba o bitša kgoši see se leng pelang ya

gagwe.

4 Ge kgoši e eja ga go a dumelelwa gore motho a be a ema-ema goba go sepela-sepela fao kgoši e jago gona. Gape ge kgoši e eja ga go motho yoo a swanetšego go iša seatla sejong sa kgoši. Gomme ge motho a dira bjalo gona o nyaditše kgoši o tla ntšha sa go lefa taba ye.

Dijo tša kgoši di lokišwa ke mosadi goba basadi ba gagwe. Mphole o ntšhwa dinong fela bjalo ka bjalwa, mapoto le mokgopš. Kgoši eja e le nooši. Dilo tše ntši tša kgoši di na le maina a bjalo ka a tša batho kamoka.

Gomme go fapane fela go tšeo elego dišele go tša batho bjalo ka dikomana le tše elego tša badimo ge ele diruiwa.. Kgoši e na le mohlanka elego motho yo a dirago mediro ye menyane ka mehla mo motseng wa kgoši.

5 Leina la lešika la kgoši ke Malatši. Malatši ke bina Noko. Lešika leo legašane mme ga le a dula felo go tee le kgoši. Lešika kamoka ga lena modiro mo setšhabeng ge e se bao ba leng lekgotleng la mosate fēla. Gomme bona ke baeletši ba kgoši mererong ya pušo ya naga. Lešika la kgoši ke bakgomana fēla. Gomme ga ba laole naga gape ga se barōka-pula. Gomme ke basekiši ba melato le batseta ba lekgotla, le ba laodi ba koma. Gomme ga bana taolo tabeng tša go lema. Ke gona ba tsena fela mo tselong tša badimo. Ga ba loti mabitla a dikgoši. Gape ga ba loti dithokgola tša mošate. Ga se dingaka gobr didupe.

6 Ga se bareti ba direto. Ba lešika la kgoši ba bangwe ke bahumi, mme ba bangwe ga se bahumi. Lehumō le tšwa ditirong tša bona mo metseng ya bona. Gomme kwano e gona gare ga kgoši le lešika la yona e seng bathong bohle ba lešika. Gomme gape go bjalo le go bona ka noši. Ba arogane ka dihlopa ka baka la go hloka kwano le kgoši. Ditaba kamoka

6 tša mošate elego tša leloko kgoši e swanetše go di rera le bo-morwarragwe.

7 Gape le tšohle tše diragalago mo nageng e leng taba tše kgolo kgoši e bolelešana le bomorwarragwe ka ga tšona. Ge kgoši e sa dire bjalo boima kamoka bja tše bjalo bo tla ba godimo ba kgoši. Basadi ba lešika la kgoši ga ba tsene ditabeng tša pušo ya setšhaba. Ba lešika la kgoši ge ba nyetšwe ba dula magading a bona gomme ba nyalwa ke mothe yo mong le yo mong mo setšhabeng. Kgoši o na le basadi ba seelago. Maina a bona ke a:- 1 Mapula 2 Motšhinyamahlo 3 Nyabane 4 Mapula 5 Madira 6 Motšatši. Borrago bona 1 Sepelemanane rrago Mapula 2 Makekele rrago Motšhinyamahlo. 3 Tšhweni rrago Nyabane. 4 Phokgo rrago Mapula 5 Tshweni rrago Madira 6 Mathekga rrago Motšatši. Leina la lešika la Mapula ke Hlame. Leina la lešika la Motšhinyamahlo ke Malesa. Leina la lešika la Nyabane le Madira ke Seale. Leina la lešika la Mapula ke Phokgo. Leina la lešika la Motšatši ke Mathe.

8 Dikgomo tša Mapula e bile 11 dikgomo tša Motšhinyamahlo ke tše 11 dikgomo tša Nyabane e bile 11 dikgomo tša Mapula e bile 14 dikgomo tša Madira e bile 12 dikgomo tša Motšatši e bile 11. Gomme dikgomo tšeo din ntšhitšwe ke rragwe le ena ka noši. Tima mollo ke Mapula Setsoge goba Hlame. Basadi ba bangwe ba latelana ka tsela yona yeo maina a bona a ngwadilwego. Ba agetšwe motseng o tee wa mosate kamoka. Dintlo tša bona di agilwe ka go latela ka bogolo bja bona. Ba gatša kgoši ga ba na tokelo ye fetago basadi ba bang. Gomme ga ba na bahlanka ga e se modirong wa tšhemo ya mošate ya mouta fêla. Gape ga ba apare go feta ba bang ba setšhaba.

9 Mohumagadi le bao ba molatelago ga ba na tokelo go fitiša ba bangwe nalo ga kgoši le setšhaba. Ga gona manoratwe

9 go feta ba bang. Basadi ba kgoši ba ekapeela ka noši. Mediro ya mašemong a bona ba idira ka noši. Moagi wa dintlo tša mošate ke banna ba naga kamoka. Ga ele malapa le go fseela malapa ke modiro wa basadi ka noši. Basadi ba kgoši ba dira go lekana le ba batho fêla. Mohlokomedi wa kgoro ya mošate ga gona mokgomana yo a laolago tša kgoro ya mošate ka mehla ke Motlalekgomo. Modiro wa gagwe ke wa go sepedisa ditaba gare ga kgoši le setšhaba, mabakeng a merero ye mogolo.

10 Basadi ba kgoši ba nale modiro o tee mo motseng wa kgoši. Basadi ba kgoši ba bitšana ka maina a magading bjalo ka basadi kamoka ba setšhaba. Gomme ba phedisana bjalo ka basadi kamoka ba setšhaba, gomme hlomphe e sale tee le basadi ba setšhaba.

Ba mmogo ga ntši gape ba ke ba omane mme balwe bjalo ka basadi ba setšhaba. Maphatla le bahlanka ba ka mošate ga ba gona. Bagolo ba setšhaba ba etela mošate ka mehla ya merero ye megolo ya naga. Gomme ga go bolelwe selo ge ba sa ye mošate. Batho ba ya mošate go direla kgoši ge oa laetšwe bjalo fêla. Batho ba setšhaba ga ba romele barwedi ba bona go direla mošate ge e se ge go tšwele taelo ye bjalo ka mabaka.

11 Ke mošate o tee fela mo setšhabeng. Motho yo mong le yo mong o bušwa ke mošate goba mokgomana wa nagana yeo a e bušago ka taelo ya kgoši. Ditshwanelo tša motho go kgoro yeo e mmušago ke go hlokomelwa ke kgoro yeo ge go hlagile se bothata motseng wa gagwe. Motho-yo bjalo o swanetše go ntšha sebego sa bjalwa goba mokgopê ga tee ka ngwaga. Gomme ga e le mo dirueng tša gagwe o ntšha sebego sa kgomo fela. Gomme o swanetše gobega se sengwe se diregang mo motseng wa gagwe se bjalo ka molato, ka morago ga poledišano le moloko. Basadi ba boreneng le barwa le barwedi ba bona ba lotwa mo ba bonwago ke batho goba setšhaba kamoka.

- 12 Morwa wa boreneng ga a utwe o bonwa ke batho kamoka. Setšhaba kamoka se tseba yo e leng mohumagadi gape le ena morwa yo e tlabago kgoši. Bana ba kgoši ba phela lapeng la mmabo. Ba fepigwa ke mmabo. Gomme ba rutwa bjalo ka bana kamoka ba setšhaba. Ba phela ka go hlaka-hlakana le batho kamoka. Gomme ga go hlomphe e šele e tšwago baneng ba batho ba bangwe, go bana ba dikgoši. Ba babitša ka maina a bona a boana bjalo ka Kgašane, Mokgabo. Ba swarwa bjalo ka bana fêla, mme ba dumedišwa bjalo ka bana kamoka, gape ba tumišwa ka go swana le bana ba bang mo setšhabeng. Ga barm rutwe go laola le go laela batho. Gomme ga ba dule kgorong ge go sekwa melato ge e se bao ba bolotšego ba lego bjalo ka bana kamoka ba tšwago lebollong. Ga go se ba rutwago go feta bana ba bangwe ba setšhaba e lego sa melao ge e se lebollong la bana kamoka fela. Ba swanetše go diša dikgomo le go dira mediro kamoka ye dirwago ke bana ba setšhaba. Ba itiwa le go solwa ke motho yo mong le yo mong yo ba ka mosenyetšago. Mohlanka a ka ba betha ge ba mo senyeditše. Kgoši e begwa ka lapa la pele la mosadi wa malome. Gomme ge ngwana wa lapa la pele la malome e se ngwana wa mekgwa ye mebotse mo go loko la gabo gona bakgomana ba ka kgetha kgoši malapeng a manyane ao a latelago lapa la pele. Gomme
- 13 kgetho e dirwa ke bakgomana ka go budiša yoo e tlogo go ba kgoši ntlo ye mohu kgoši tatagwe a saleng ka gare ga yona.
- 14

Matšatši mogolo wa Lepato o tšea bogoši thabeng ya Kgopolwe go hweng ga kgoši Makekele ka go bula ntlo yeo Makekele a hwetšeng go yona. Ge bakgomana le ditšhaba ~~kamaxkam~~ kamoka di kgobokane Matšatši mogolo a laelwa go bula ntlo mme ke gona ntlo ya palela Matšatši. Ka morago ga tla Lepato ntlo ya bulega. Go be go tsene motho yo mong

- 14 ka teng go swara lemati gore ntlo e se bulege ge Matšatši a kgorometša. Gomme ya bulega ge Lepato a kgorometša. Gomme Matšatši ga aka a tseba sephiri seo bakgomana ba se
- 15 dirilego ka taelo ya kgoši Makekele ka baka la mekgwa ye mebe ya Matšatši go Makekele. Badimo ga ba šupe kgoši eupja ke kgoši ka go kgahlwa ke mekgwa ya ngwana yo a swanetšego go ba kgoši. Se se dirago gore mosadi wa kgoši e be mmago-kgoši ke molao wa go tšea mosadi ga malome. Mosadi yo a belegago kgoši o tšewa ka dikgomo tšeo e leng tša kgoši e seng tša setšhaba. Gomme dikgomo e ka ba tša kgoro. Ke gore tše ntšhwago ke batho mo ditšhekong tša melato. Gomme kgomo tše bjalo di bitšwa kgomo tša kgoro. Gomme ke gore ga se tša magadi a ngwana yo mong wa kgoši.
- 16 Gomme mosadi yo mogolo wa kgoši ga kgethwe ke kgoši ka noši gomme o kgethwa ke tatago kgoši go leloko la ditswala kgoši e lego ga malome. Mosadi yo e leng mohumagadi wa kgoši ga se yo a fetago ba bangwe ka go tswalwa peleng, gomme ke ka baka la molao wa bogoši. Morwa wa kgoši yoo a ka seke a ba kgoši ke yo e leng wa mosadi wa tatago kgoši mme a šala a belegwa ke kgoši. Gomme le yo mmagwe e seng wa leloko la bogoši a ka sekego a kwana le badimo ba tatagwe mekgweng kamoka ya bogoši. Tše šitišago motho goba kgoši ke ge motho e le mosadi, ge e le setlaela, ge motho a nale dihwahwa, ge e le segole, ge e le sefofu, ge e le sefowa, ge e le lešoboro, ge e le mmolai wa batho.
- 17 Motho yo a tlo bago kgoši o tseba e sale mošimane. Kgoši ye mpšha e ka seke ya buša tatagwe a sa phela. Go feta lebaka la ngwaga ge kgoši e tšea setulo ka morago ga lehu la tatagwe. Kgoši ye mpšha e bona setopo sa kgoši ya go hwa. O swanetše go se hlapiša ka metse gore a tšee dihlare tša pula. Ge setopo se išwa lebitleng kgoši ye mpšha ga e ye. Gomme dilo tšohle tša kgoši ya go hwa ke tša gagwe tše

17 boreneng, e lego dikgabišo, dipheta, dithokgola le dihlare.
 Gomme go dira bjalo ke sona seo se modirago kgoši e lego
 le ka go tšea dikomana e lego yona hlogo ya bogoši. Kgoši
 18 e bewa ka go tsibiša batho gore ba tle ba bone kgoši moo
 e tlabago monyanya wo mogolo wa go tiwa dikomana go šupa
 setšhaba goba kgoši ye ngwe e šcilwe. Ke gona bakgomana
 ba tla laya kgoši ye mpšha tsela ya pušo ya bogoši. Ge
 kgoši e le ye nyane legatong la yona go swanetše go ba
 rrangwane a gagwe. Gomme moswaredi e swanetše goba monna;
 Gape e swanetše go ba motho yo a kgethwago ka mokgwa wa
 molao. Gomme e swanetše goba motho wa mekgwa ya go loka
 pele ga batho. Motho a ka šitišwa ke tšona tšeo di
 šitišago motho goba kgoši goba moswaredi wa bogoši. Bogoši
 bo swarelwa go fihla kgoši e tšea mosadi mme e tseba melao
 kamoka ya banna.

19 Moswaredi a ka tlošwa gwa bewa yo mong ge a buša ka
 phapogo. Moswaredi o nale ditokelo kamoka tša bogoši, go
 šomela ntlong ya bogoši. Moswaredi o dira tšohle tšeo di
 dirwago ke kgoši mo gohle-gohle. Moswaredi o šiega bjalo
 ka kgoši. Moswaredi ke moleledi a ngwana yo e swanetšego
 goba kgoši. Kgoši ge e sale ye nyane e sešo go buša e
 phela motseng wa tatagwe. Gomme e rutwa ke moswaredi tša
 bogoši. Gomme o rutwa modiro wa pula fela. Gomme ga e le
 pušo ya setšhaba o tla rutwa ka go kwa melao ge a gola.

20 Ge kgoši e bonwe gore e tla hwa gomme go swanetše
 go tlošwa batho felo moo kgoši e leng gona. Gomme taba yeo
 e dirwa sephiri seripa sa letšatši ge go sa tsongwa banna
 ba bagolo. Gomme batho ba tsibišwa ka gore mabu a hwile.
 Kgoši e fihlwa ka go dudišwa gore e se robale. Gomme ya
 robala thušong ya bona go kgoši ye bušago. Kgoši e ka
 tlogelwa ke batho bakeng sa mekgwa ya gagwe ya go seloke.

20 Matome Lesetše o tlogelwa ke batho thabeng ya Sekgopo ge e šetše e le kgoši ka morago ga Matšatši ka baka la go bolaya motho. Gomme a swarwa a išwa kgolegong. Gomme ge a boa a hwetša moratho Selwana e le kgoši. Ke gona Lesetše a šitwa ke bogoši.

21 Kgoši Makhušane o tlogelwa ke batho ge mohlanka yo a bollago a bolailwe ka sethunya ke moshangaan yo mong a se tsebe gore seo a se bonago ka gare ga bjang ke motho. Kgoši Maseke o tlogelwa ke batho ka 1922 go ya nageng ya Makhušane ka baka la go tsena dintlong tša banna ba naga ya gagwe. Kgoši^{ka} ge e le motho yo mogolo ka dumelelwa go rakwa setulong ka baka la tsebo ya gagwe ya go neša pula le go bea letšatši. Gomme ge ele motho yo a dirago tša go seloke o tla tlogelwa ke setšhaba fela. Kgoši e swanetše go hwa. Kgoši e ka seke ya e tloša bogošing le ge e ke pona goba ga e na maatla pušong ya yona.

22 Dibego le makgêthô kamoka tše kgoši e di amogelago ke tšohle tše swarwago ke batho. Gomme sebego seo se ntšhwago ke banna ba metse kamoka ke bjalwa. Gomme ga e le nama, matlalo, mafofa, marumo, dikgomo, dipudi, dinku, le di ^{di} šfšlô nako ye ngwe le ye ngwe ge o bolaille phôšfôlô ya kgadinama o ntšha sebego sa letlalo le setho sa yona. Gomme ge ele mabjalwa a ntšhiwa bakeng la puno fela. Gomme ga ele tše bjalwa ka dikgomo e ka ba go tee ka ngwaga nako yeo mong wa seruiwa a ratago go loba kgoši. Gomme tše bjalwa ka marumo e ka baka nako yeo morudi a rulago ka yona. Ga ele basadi ba ntšha sebego sa mabele a kgoši a go dira bjalwa. Oatho ba bangwe ba sa ntšhe ke nyatšo ya kgoši. Dibego tša bapatši di tla go kgoši ka mabaka ao di bapatšwago ka ona. Dibego tša koma ditšwa ge koma ele gona mo nageng. Gomme tša melato di tšwa mehleng ya melato e rerwa. Tša madume a baeti le tšona di tsena ka nako ya tšona. Tša makarapa di

23 ntšhwa ke bao ba ratago e seng ka kgapeletšo ya kgoši.

24 Go lefiwa pudi, nku le kgomo tabeng tše kgolo le tše nyane ka mehla. Makgetho a sake a ntšhwa ka mehla ke a lebollo. A bitšwa sehlatle. Batho kamoka bao bana ba bona ba lego komeng ba swanetše go a ntšha. Ka dibaka tša ge kwela e le mabapi le go swa goba go tšwa. Ge sehlatle se sa tšwe gona koma ga e swe. Dineo le makgetho di taolong ya kgoši ka thušo ya bakgomana. Mediro ya bothokgō bja kgoši e e dirwago ke banna ke go aga mantlo a basadi ba kgoši le go lema mašemo a mošate. Gomme basadi ba hlagola mašemo a kgoši le go buna mabele a mošate. Dikgomo tša kgoši di dišwa ke bana ba gagwe.

25 Mathokgō a tsibišwa ka phatafala goba lepatata. Ge ba bangwe ba sa tle ga go molato. Ba ba dirago ga ba fiwe selo sa go ja goba go nwa. Batho kamoka ba nale maatla go rekiša dilo tše bjalo ka mabšlš, letswai le naka tša tlou. Dikgomo tša kgoši di hwetšwa magading a barwedi ba yona le makgethong a mošate a melato. Dikgomo tša mošate di hlahlelwa motseng wa mošate, gomme tše di ngwe di fišwa mašakeng a batho. Batho ba lešika la kgoši ba ka tseba goba kgomo tša mošate ke tše kae, gomme ba ba ba tseba koba ke dife. Dikgomo tša mošate di a dumelelwa go fodišweng le go nošweng.

26 Mašemo a mošate a felo go tee. Felo fao go nale mašemo a seletšego a basadi le tšhemo e tee ya kgoši. Mašemo a basadi ba kgoši a lekana le a batho kamoka ge e se tšhemo ya kgoši fela e ~~ka~~ fetago a mangwe, ke a basadi ba kgoši le kgoši. A lengwa ke batho gomme a hlagolwa ke basadi a e lego a basadi gape a bunwa ke basadi ba kgoši. Mašemo a kgoši ~~ma~~ ona a lengwa ke batho a hlagolwa ke setšhaba a

26 bunwa ke setšhaba. A swanetše go hlokomela ke kgoši le basadi ba gagwe. Mo mašemong a kgoši le basadi ba gagwe go bjalwa mehuta yohle ya dibjadi tše bjalwago ke setšhaba.

27 Kgoši le basadi ba ka dira se ba se ratago ke tše ba dihwetšeng punong ya bona. Gomme dipuno kamoka di bolokwa motseng wa mošate. Mašemo a kgoši goba a mošate a lengwa a hlagolwa nako e tee le a ba bangwe ba naga. Mašemo a letwa bjalo ka a bangwe, gomme a alafiwa bjalo ka a setšhaba. Tše di bunwago ge di kgobetše di dira dijo tša kgoši le mabjalwa a kgoši le basadi. Gomme mosadi yo mong le yo mong o dira ka mo a ratago ka mabêlê a gagwe. Gomme ga di abelwe batho ka lefela gona le hlaloganyo magareng a puno ya tšhemo ya kgoši le ya basadi ba yona.

28 Lehumo la kgoši le dirišwa ka mo kgoši e ratago. Ka dijo, bjalwa, matlalo, mafofa, dikgabišô, dikgomo le tše dingwe kgoši e dira se e se ratago ka tšona. Gomme tšeo di lewa ke bana ba gagwe ka go dira magadi a bona. Makhušane o fa ngwana wa gagwe Mokgale some la dikgomo le kgomo ka e tee go nyala Mapula. Gomme a fa gape Lephala some la dikgomo le kgomo ka e tee go dira magadi a go tšea Matapa mosadi wa gagwe gomme a fa Patamedi some la dikgomo le kgomo ka e tee gore di mo emele mošomong wa go ithuta dikolong, bjalo bjalo. Kgoši o abela mabele a gagwe basadi ba gagwe mehleng ya tlala.

29 Gomme mo kabelong yeo ya mabêlê go basadi ba gagwe ga boelwe ke selo. Dikgomo tša gagwe di fišwa yo mong wa lešika la kgoši. Di fišwa fela gore motho yo a di boloke. Kgoši e nyala ka dikgomo tša go lefa melato, tša diloba le tša dibego mo nageng. O fiša dikgomo mo bathong ka ntle le moputso go modiša. Kgoši e swanetše go kwigwa ke setšhaba kamoka. Gomme ga e a dumelelwa go dira taba ye ngwe ka ntle le polelišano le lekgotla. O swanetše go

29 tšhaba ke setšhaba kamoka ka ge ele mmuši wa sona, gomme o
 30 swanetše go tsibišwa tšohle tše diregago mo nageng kamoka.
 Kgoši a ka se šimole taba ya pušo ya setšhaba. Gomme ke sa
 gagwe le lekgotla go bona gore melao yohle e a kwiwa ke
 setšhaba.

Kgoši o yana le taba ge a bona goba melao ga e
 sepedišwe ka mo e beilwego. Gomme ke gona o tla laela banna
 ba kgoro go hlokomela taba yeo. Gomme mo melatong kamoka
 o swanetše go hlokomela gore makgotla be gona. Ge makgotla
 a le gona ke gona ditaba di swanetše go phethega. Ke
 tshwanelo gore melato e sekišwe. Ke molao gore seatla kobong
 se be gona mo setšhabeng. Ga go tsibišwe dikahlolo tša
 makgotla le tša dikgoro. Gomme ge molato o sekišwe ke kgoro
 31 ye ngwe kgoši e swanetše go laela lekgotla la bakgomana gore
 le bone melato woo la bobedi. Kgoši e hlokomela kudu kudu
 gore baloi ba bolawe. O swanetše go ba gona le go ahlola
 kgotleng le legolo. Lentšu la kgoši ke kahlolo ka ge le
 bitšwa sêlêpê. Ke gore la mafelelo go šupa gore molato o
 fedile. Kgoši e ka gana lentšu la kahlolo ya lekgotla ka
 go šupa lentšu le kaone la kahlolo. O tšea manganga hlaa
 le ditifiša goba tša gagwe, gomme mo gong a difa lekgotla
 gore di bolawe, ge ele pudi goba nku, ge ele kgomo kgoši
 ga e a tiši go fa manganga hlaa. Ke sa kgoši go buša taolo
 kamoka ya dira le ntwā. Gomme o swanetše go bea balaodi ba
 32 dira bjalo ka kgoši Makekele ge a bea Sebakaditšhweni. Gomme
 gape ke ena kgoši a hlokomelago go iša madira ka mephatho ya
 bona. Gona le bahlokomedi ba taba tša marumo e lego lekgotla
 la mošate.

Kgoši e tswa dira bjalo ka Makekele ga a tšwa dira go
 ya Tswetla mohlantšhi mosadi wa gagwe a thopjago Ngwanamatlatše.
 Gomme kgoši o ba le molaodi pele hlabano gore bahlabane ba
 seke ba tlogela kgoši le ge go ka ba bothata bjang. Gomme

- 32 kgoši e šala gae hlabanong tše e seng tše kgolo. Gomme mo ntweng kgoši e šoma go dira maano a hlaselo le a tšhireletšo. Gomme lentšu la gagwe le dira khutšo goba ntwā.
- 33 Kgoši ke yona e hlokomelago gore dira di fokwe gomme di dirwe tšohle tša dihlare ke yona ka noši ka ge mpholo wa dira di tšwa go kgoši mehleng ya dintwa. Gomme gape ke yona e tlogo go laela dira gore go dirweng kua magaeng. Kgoši e neša pula gape e bile ke yona e kgopelago pula badimong. Kgoši e nale maatla gore e dire puno goba e botse. O ntšha letšema goba peu ka pela gore puno e lokele batho bohle. Ke kgoši e emelago setšhaba mathateng kamoka le komelelong. Gomme kgoši e dirišana le badimo ba yona mo go tshohle kamoka. Kgoši e nale tšhidi tša pula. Tšhidi tša baloi.
- 34 Tšhidi ya mpholo wa dira. Marumo a dithokgola a sa swanego le a batho kamoka, dilépē tše sa swanego le tše dingwe, dithoka tše sa swanego le tša batho kamoka. Gomme le aparo tša yona ga di swane le tša setšhaba. Le dithokgola tša yona tša molaleng ga di swane le tša batho kamoka. Le taola tša kgoši ga di swane le tša ba bangwe. Gomme tšeo kamoka ke lefa di šia bakgale, gomme e gape le dikomana le dihlagatšane. Kgoši e nale boima le tšiego le melekō. Kgoši o itliša gape o iphemela ka tšhidi tša bogoši tše maatla melekōng kamoka. Go thwe motseng wa mošate ga go tsene moloi gobane kgoši ke moloi. Gape ke ngake ye kgolo go bohle bao e leng dingaka ka Motlalekgomo.

END S. 646.

J.P.M. Malatši.